

中華文史叢書之一一三一一四一一五

清·嘉慶三年刊本影印

王有立主編

西庵蒙

招答

古

圖前

略志律

(合訂本)

湘浦松筠
馮時可撰
多爾濟麒慶

華文書局股份有限公司印行




中華民國五十八年六月初版

中華文史叢書

(第十三輯十五種)
(精裝十二冊)

售價：國內：新台幣
國外：美金



主編者：王 頌 立

發行人：薛 頌 留

發行所：華文書局股份有限公司

台北市南昌街一段七十二號

電話：三六二六三號

印刷者：華文書局股份有限公司

台北市南昌街一段七十二號

電話：三六二六三五號

版權所有

內政部登記證內版台業字第一五四六號

西招圖略序

守邊之要忠信篤敬也而忠信
篤敬莫不本乎格致誠正故
格物所以窮理致知所以通俗
誠意所以不欺正心所以寡欲忠

信篤敬於是乎行以之欽承

聖訓教以寬柔無分遐迩一皆羈縻
而向

化懷德是在修德也然修德者必矜
細行而國治者宜防未然曰書

二十有八條以叙其事畧復繪
之圖以明其方輿名之曰西招
圖略庶便於交代以代口述之
未盡者後之奉

命駐藏君子其尚有以發於予所歎

言而不及者尤厚望焉是為
序

嘉慶三年中秋日湘浦松筠識



西招圖畧目錄

安邊

撫藩

戒怒

遏欲

抑強

除苛

厲俗

慎刑

綏遠

懷來

成才

述事

審隘

量敵

合操

行操

練兵

申律

制師

馭衆

堅陣

出奇

倡勇

謹勝

善始

持志

防微

守正

--	--	--	--	--	--	--

西招圖畧

安邊

安邊之策貴於審勢而行權蓋勢有彊弱彊甚而不已則折弱甚而不已則屈所以權之使其不至折與屈者威與惠也威惠施之得當則安失當則危譬之我既彊矣仍示以威則威竭而不振我既弱矣仍施以惠則惠褻而不德

故處弱者利用威而處彊者利用惠惠宜公而含垢威宜
慎而戒怒否則雖有殺人之威而下不懼雖有生人之惠
而下不喜夫復何濟故宜審勢而行權宜威則威宜惠則
惠然後仁以厲其俗左傳仁以厲之所以厲風俗也義以作其氣懲貪除
苛使知節用而愛人並教以誠敬示以忠信雖蠻夷可異
知感知畏矣久之衆心我同則民胞物與之化成于時保

之小心翼翼固可永安樂利也若夫漢之任尚不聽定遠

之言而債事者尤宜深戒

後漢任尚代班超於西域超曰

得下和宜蕩佚簡易寬小過總大綱而已超去後尚曰我謂班君當有奇策今所言平平耳尚後竟失邊和如超言

撫藩

藩之所以宜撫者羈縻而教之者也譬如衛藏達賴班禪亦藩也其性惟知誦經闡教至其屬下百姓如何教養素

本未悉是故

聖皇欽派大臣駐藏為之教為之養所以安邊撫藩也撫也者
循循導其為善也夫達賴班禪原以慈悲為本似不必導
然其慈悲本釋氏之無為知為已而不知為政其屬下噶
布倫僧俗營官第巴頭人或有苛斂以致百姓散亡而不
之知若因其不知而率為詆斥則又非撫矣必宜推廣

皇仁以內地百姓平日如何教養遇有偏灾如何賑恤使之聞
之而後勸之嚴束營官安養百姓恤灾散賑一切告示皆
諭以

聖主皇仁及達賴班禪慈悲仍使百姓感彼之德則其欣然由
我治理而無梗矣所謂納約自牖是必宜導者也達賴有
噶布倫等官班禪僅有商卓特巴一人伊等或有逢迎於

我而蔑視達賴班禪者應即教誡無使達賴班禪寒心可
期各寺僧衆悅服蓋其僧衆強勝多於百姓而百姓惟僧
是敬且信故宜羈縻善撫而善教之所謂即以其人之道
還治其人之身者此也

戒怒

夫心平則鮮有怒色無論漢番百姓皆宜循循撫導好言

以教之百姓知我善以與彼則必傾誠向善與我同心同氣也況外藩常恐為我笑其不諳中國儀制倘有不周而見於怒則其黠者面從而怨結愚者面觸而恨生久之釀成大事豈非由我之不能平心所致耶然其理之所應怒者不可不怒也蓋所怒在物固不在我果能志以率氣而於應怒之事正色諭以是非於應怒之人平心責以罪過